

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI ISNIN, 7 NOVEMBER 2016, PUKUL 10.00 PAGI**

**Bil. 42**

---

**PERTANYAAN-PERTANYAAN BAGI JAWAB LISAN**

1. PR-1343-L75552  
**Tuan Budiman bin Mohd. Zohdi [ Sungai Besar ]** minta **MENTERI PENDIDIKAN** menyatakan prestasi semasa literasi Bahasa Inggeris di sekolah-sekolah luar bandar dan apakah langkah-langkah utama yang diambil Kementerian bagi mengurangkan jurang pencapaian dan penguasaan bahasa tersebut di bandar dan di luar bandar.
2. PR-1343-L77127  
**Dato' Mohd Ariff Sabri bin Abdul Aziz [ Raub ]** minta **MENTERI PERTANIAN DAN INDUSTRI ASAS TANI** menyatakan :-
  - (a) sehingga Januari 2016, berapakah jumlah pinjaman yang diberikan kepada peminjam di bawah skim *Agriculture Entrepreneurs Scheme for Graduates*; dan
  - (b) bagaimana rekod pembayaran semula pinjaman tersebut.
3. PR-1343-L76472  
**Tuan Che Mohamad Zulkifly bin Jusoh [ Setiu ]** minta **MENTERI KEWANGAN** menyatakan apakah prosedur yang perlu dijalankan oleh bank-bank perdagangan sebelum memulakan proses lelongan rumah untuk melindungi hak peminjam.
4. PR-1343-L76392  
**Tuan Zairil Khir Johari [ Bukit Bendera ]** minta **MENTERI PENDIDIKAN** menyatakan Projek i-THINK, termasuk jumlah sekolah yang terlibat, bilangan guru yang dilatih serta bilangan murid yang terkesan.
5. PR-1343-L76334  
**Dato' Sri Ikmal Hisham bin Abdul Aziz [ Tanah Merah ]** minta **MENTERI KESIHATAN** menyatakan sejauh manakah seriusnya masalah kekurangan doktor pakar di negara ini dan mampukah Malaysia mencapai sasaran nisbah 1 doktor kepada 400 pesakit menjelang 2020 seperti ditetapkan sebelum ini.

6. PR-1343-L75609  
**Laksamana Pertama Mohamad Imran bin Abd Hamid (B) [ Lumut ]** minta **MENTERI KERJA RAYA** menyatakan bilakah pembinaan Jambatan Kampung Baharu-Kampung Teluk Telaga Nenas dalam Daerah Manjung Perak boleh digunakan setelah melewati tarikh siap 8 April 2015.
7. PR-1343-L77379  
**Dato' Normala binti Abdul Samad [ Pasir Gudang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah spesifikasi Rumah/Rumah Kedai 2 tingkat atau lebih bagi mendapatkan kelulusan daripada Jabatan Bomba dan Penyelamat berikutan isu Pusat Jagaan Kanak-kanak yang gagal mendapat kelulusan daripada pihak Bomba kerana tidak mempunyai laluan keluar kedua di tingkat atas.
8. PR-1343-L76534  
**Dato' Dr. Nik Mazlan bin Nik Mohamad [ Pasir Puteh ]** minta **MENTERI KESIHATAN** menyatakan sejauh manakah usaha pencegahan yang telah diambil oleh Kementerian bagi mengkaji beberapa tempat rekreasi dan perkelahan air terjun yang telah mengakibatkan kematian para pelajar disebabkan jangkitan kuman kencing tikus (*leptospirosis*) di Kelantan.
9. PR-1343-L75695  
**Ir. Shaharuddin bin Ismail [ Kangar ]** minta **MENTERI PERTANIAN DAN INDUSTRI ASAS TANI** menyatakan adakah Kementerian bercadang untuk menetapkan "harga siling" bagi pasaran buah mangga Harum Manis agar dapat mengawal pihak yang tidak bertanggungjawab mengambil kesempatan dengan meletakkan harga yang tidak setimpal dengan kualiti buah sekiranya hasil pengeluaran buah pada tahun tertentu kurang memberangsangkan.
10. PR-1343-L77471  
**Tuan Hee Loy Sian [ Petaling Jaya Selatan ]** minta **MENTERI SUMBER ASLI DAN ALAM SEKITAR** menyatakan tindakan yang diambil terhadap pihak yang membuang sisa toksik di Bentong, Pahang pada 7 Oktober 2016 dan Nilai, Negeri Sembilan pada 23 Oktober 2016 yang mencemar kualiti air Sungai Semenyih yang menyebabkan loji rawatan baru di Labuhan Dagang terpaksa berhenti operasi sehingga mengakibatkan banyak kawasan di Selangor terputus bekalan air.  
  

**[ Pertanyaan di bawah PM.22(5) ]**
11. PR-1343-L76506  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI KOMUNIKASI DAN MULTIMEDIA** menyatakan apakah kejayaan yang dicapai sejak Dana Industri Kreatif Negara diperkenalkan.

12. PR-1343-L76990  
**Dato' Kamarul Baharin bin Abbas [ Telok Kemang ]** minta **MENTERI KEWANGAN** menyatakan adakah Bank Negara Malaysia sedar bahawa terdapat bank-bank yang tidak mengikut garis panduan "*Islamic Banking*" seperti yang diwajibkan oleh BNM berkenaan dengan pemberian rebat kepada para peminjam yang menyelesaikan pinjaman lebih awal daripada tempoh sebenar.
13. PR-1343-L76917  
**Dato' Noraini binti Ahmad [ Parit Sulong ]** minta **PERDANA MENTERI** menyatakan sejauh manakah fahaman ajaran sesat menular di dalam negara dan apakah tindakan susulan oleh Kerajaan bagi menyekat gejala ini.
14. PR-1343-L77391  
**Tuan Ramkarpal Singh a/l Karpal Singh [ Bukit Gelugor ]** minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada Kerajaan bercadang untuk meminda Perlembagaan Persekutuan, khususnya Artikel 8(2), untuk memasukan satu peruntukan bagi orang-orang kurang upaya sebagai satu kelas orang yang tidak boleh di diskriminasi. Sekiranya tidak, nyatakan sebab-sebabnya.
15. PR-1343-L75800  
**Datuk Raime bin Unggi [ Tenom ]** minta **MENTERI SAINS, TEKNOLOGI DAN INOVASI** menyatakan peranan penubuhan Cyber Range Malaysia dan setakat mana negara Malaysia telah mengeluarkan tenaga pakar pertahanan keselamatan siber sebagai sokongan transformasi Malaysia ke arah negara ekonomi digital berpendapatan tinggi.
16. PR-1343-L76964  
**Dr. Che Rosli bin Che Mat [ Hulu Langat ]** minta **MENTERI PERUSAHAAN PERLADANGAN DAN KOMODITI** menyatakan adakah hasil dua komoditi utama iaitu getah dan kelapa sawit di Malaysia ini terjejas dengan banyaknya ladang-ladang getah dan kelapa sawit telah dibangunkan sebagai kawasan perumahan dan industri.
17. PR-1343-L77418  
**Dato' Seri Tiong King Sing [ Bintulu ]** minta **MENTERI PENDIDIKAN** menyatakan :-
  - (a) adakah Kementerian membuat pemantauan terhadap fesyen potongan rambut pelajar lelaki dan guru lelaki yang semakin ketara yang mana tiadanya nilai-nilai ketimuran (fesyen rambut ala Tomahawk, *Skin Head* dan lain-lain seperti mewarna rambut pelbagai warna ) ; dan
  - (b) apakah garis panduan potongan rambut pelajar lelaki dipatuhi dan dilaksanakan oleh pengurusan sekolah.
18. PR-1343-L76722  
**Dato' Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan sektor yang dibenarkan pekerja asing untuk bekerja.

19. PR-1343-L75941  
**Dato' Sri Dr. Haji Irmohizam bin Haji Ibrahim [ Kuala Selangor ]** minta **MENTERI PENDIDIKAN** menyatakan berapakah jumlah guru duka lara yang telah dipindahkan setakat hari ini dan berapa jumlah guru yang masih belum dapat penempatan mengajar di sekolah-sekolah baru.
20. PR-1343-L76335  
**Dato' Mansor bin Othman [ Nibong Tebal ]** minta **MENTERI KEWANGAN** menyatakan jumlah (bilangan dan ringgit) penerima Program Bantuan Rakyat 1Malaysia (BRIM) semenjak program ini dilaksanakan mengikut pecahan negeri dan kaum.
21. PR-1343-L75724  
**Dato' Sri Wee Jeck Seng [ Tanjong Piai ]** minta **MENTERI KOMUNIKASI DAN MULTIMEDIA** menyatakan :-
- (a) mengapakah aktiviti perjudian dalam talian begitu berleluasa seolah-olah tiada pemantauan dan tindakan; dan
  - (b) bagaimana pula dengan hak privasi pemilik telefon yang begitu mudah dimasuki oleh pelbagai tawaran perjudian atas talian dan mengganggu privasi pengguna.
22. PR-1343-L76727  
**Tuan Oscar Ling Chai Yew [ Sibü ]** minta **MENTERI KEWANGAN** menyatakan hutang negara terkini, dan juga hutang yang dijamin oleh Kerajaan, senaraikan. Adakah hutang negara sekarang mencapai suatu tahap yang membimbangkan mengikut negara yang sedia ada.
23. PR-1343-L75820  
**Dato' Shamsul Anuar bin Haji Nasarah [ Lenggong ]** minta **MENTERI PENGANGKUTAN** menyatakan sejauh mana kesediaan Kementerian dalam menyediakan sistem pengangkutan mesra OKU kepada golongan ini bagi mencapai sasaran dasar 1% golongan ini bekerja dalam perkhidmatan awam yang telah dilaksanakan.
24. PR-1343-L76591  
**Dr. Azman bin Ismail [ Kuala Kedah ]** minta **PERDANA MENTERI** menyatakan perkembangan peranan Malaysia sebagai orang tengah untuk membantu mencari perdamaian di Selatan Filipina khususnya setelah Filipina mempunyai Presiden baru.
25. PR-1343-L76800  
**Dr. Mansor bin Abd Rahman [ Sik ]** minta **MENTERI DALAM NEGERI** menyatakan bagaimanakah program NBOS dapat memberi kesan terhadap kawalan keselamatan negara terutamanya berkaitan dengan ancaman IS dan Daesh.

26. PR-1343-L76008  
**Tuan Wong Chen [ Kelana Jaya ]** minta **MENTERI DALAM NEGERI** menyatakan sama ada pelarian-pelarian Rohingya akan diberi pertolongan sama, seperti penempatan sementara dan permit kerja, sebagaimana yang telah diperuntukkan kepada pelarian-pelarian Syria.
27. PR-1343-L75921  
**Datuk Mohd Fasih bin Haji Mohd Fakeh [ Sabak Bernam ]** minta **MENTERI DALAM NEGERI** menyatakan mengapakah Malaysia tidak pernah mencapai Tier Satu berdasarkan Laporan Tahunan Jabatan Negara Amerika Syarikat (JNAS) semenjak 2001 hingga 2015 walaupun telah menunjukkan komitmen dan kesungguhan dalam memerangi pemerdagangan orang dan nyatakan apakah langkah dan strategi Kerajaan dalam pelaksanaan pelan tindakan fasa dua bagi Pelan Tindakan Kebangsaan Anti pemerdagangan Orang (2016-2020) khususnya bagi memastikan Malaysia mencapai Tier Satu berdasarkan Laporan Tahunan Jabatan Negara Amerika Syarikat (JNAS).
28. PR-1343-L77138  
**Tuan Haji Khalid bin Abdul Samad [ Shah Alam ]** minta **MENTERI KEWANGAN** menyatakan jumlah kutipan GST untuk tahun 2015 dan pertengahan tahun pertama 2016 serta jelaskan sama ada sasaran kutipan tercapai atau sebaliknya.
29. PR-1343-L76024  
**Datuk Koh Nai Kwong [ Alor Gajah ]** minta **PERDANA MENTERI** menyatakan adakah definisi rogol yang ditetapkan di bawah Kanun Keseksaan (Akta 574, seksyen 376) akan diperluaskan bagi merangkumi pencabulan kehormatan seseorang dengan menggunakan bahagian badan atau objek selain daripada zakar.
30. PR-1343-L75768  
**Tuan Fong Kui Lun [ Bukit Bintang ]** minta **MENTERI PELANCONGAN DAN KEBUDAYAAN** menyatakan jumlah pelancong *non-visa* dari China sehingga Jun 2016 yang tiba di Malaysia dan langkah-langkah untuk menarik lebih banyak ketibaan mereka ke sini.
31. PR-1343-L75607  
**Datuk Linda Tsen Thau Lin [ Batu Sapi ]** minta **MENTERI BELIA DAN SUKAN** menyatakan strategi yang diatur untuk memenangi pingat emas di Sukan Olimpik yang akan diadakan di Jepun dalam tahun 2020.
32. PR-1343-L76362  
**Tuan Sim Chee Keong [ Bukit Mertajam ]** minta **MENTERI DALAM NEGERI** menyatakan statistik pembunuhan senjata api terancang (*premeditated firearms murder*) dari tahun 2008-2016 mengikut pecahan negeri, kaum dan warganegara mangsa dan pemangsa.

33. PR-1343-L76366  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI BELIA DAN SUKAN** menyatakan kejayaan National Football Development Programme (NFDP) semenjak ditubuhkan sehingga kini dan apakah peranan Kementerian bersama dengan Persatuan Bola Sepak Malaysia (FAM) dalam memastikan mutu sukan bola sepak negara kembali meningkat di peringkat lebih tinggi.
34. PR-1343-L76629  
**Dr. Mohd Hatta bin Md. Ramli [ Kuala Krai ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) bagaimanakah pihak Kementerian mengawal harga kenaikan kos seunit rumah di Malaysia seperti di Kuala Lumpur, Melaka dan sebagainya; dan
  - (b) apakah langkah yang perlu diaplikasikan untuk menyelesaikan masalah ini bagi menjamin kesejahteraan rakyat.
35. PR-1343-L76931  
**Tuan V. Sivakumar [ Batu Gajah ]** minta **PERDANA MENTERI** menyatakan usaha-usaha yang diambil oleh Kerajaan untuk mengambil tenaga kerja baru dari kalangan kaum India ke dalam sektor awam. Berapakah bilangan dan peratusan penjawat awam dari kaum India yang sedang berkhidmat pada masa sekarang.
36. PR-1343-L77161  
**Dato' Ir. Haji Nawawi bin Ahmad [ Langkawi ]** minta **PERDANA MENTERI** menyatakan perancangan pihak Kerajaan dalam menetapkan tambang bagi perkhidmatan baru MRT agar ia berpatutan dan tidak membebankan golongan miskin bandar yang menggunakan perkhidmatan tersebut dan adakah pihak Kerajaan bercadang untuk mengkaji semula kadar pengangkutan awam berikutan penurunan harga minyak dunia pada masa kini.
37. PR-1343-L75953  
**Datuk William @ Nyallau anak Badak [ Lubok Antu ]** minta **MENTERI KEMAJUAN LUAR BANDAR DAN WILAYAH** menyatakan setakat mana pelaksanaan menaik taraf Jalan Ulu Skrang seperti pengumuman kelulusan yang diumumkan semasa lawatan YAB Perdana Menteri ke Sg. Paih Skrang pada pilihan raya Sarawak yang lepas.
38. PR-1343-L76906  
**Dato' Seri Abdul Hadi bin Awang [ Marang ]** minta **PERDANA MENTERI** menyatakan apakah justifikasi terhadap syor persempadanan semula yang dilakukan oleh Suruhanjaya Pilihan Raya (SPR).

39. PR-1343-L76994  
**Datuk Mohd Idris bin Jusi [ Batu Pahat ]** minta **MENTERI BELIA DAN SUKAN** menyatakan bagaimana Tabung Usahawan Belia boleh membantu golongan belia untuk menceburi bidang keusahawanan, usaha yang dilakukan untuk memperkenalkan tabung ini, setakat mana sambutan dan keberkesanannya.
40. PR-1343-L77129  
**Dato' Johari bin Abdul [ Sungai Petani ]** minta **PERDANA MENTERI** menyatakan adakah kerajaan dalam masa yang terdekat berhasrat untuk bersama-sama dengan Parti Pembangkang PAS memperkenalkan Rang Undang-undang Hudud dan sama-sama berusaha agar ia diluluskan dalam Parlimen dan menjadi satu Akta dan dilaksanakan kemudiannya.
41. PR-1343-L75827  
**Datuk Juslie bin Ajirol [ Libaran ]** minta **MENTERI DALAM NEGERI** menyatakan peranan dan sumbangan Malaysia dalam usaha merealisasikan semua negara dunia menangani keganasan secara menyeluruh, terutama ancaman kumpulan pengganas Daesh.
42. PR-1343-L75988  
**Dato' Haji Mohd Zaim bin Abu Hasan [ Parit ]** minta **MENTERI PENDIDIKAN TINGGI** menyatakan apakah punca penolakan permohonan Quest University International Perak (QUIP) untuk menambah pelajar sedangkan universiti ini yang turut dimiliki oleh Kerajaan negeri Perak telah memenuhi semua kriteria dan keperluan Kementerian dari semasa ke semasa tanpa prejudis dan campur tangan politik.
43. PR-1343-L76284  
**Dr. Haji Izani bin Haji Husin [ Pengkalan Chepa ]** minta **MENTERI KESIHATAN** menyatakan statistik terkini jumlah kes jangkitan virus Zika di Malaysia dan bagaimana Kerajaan menangani penularan virus ini.
44. PR-1343-L76182  
**Dr. Ko Chung Sen [ Kampar ]** minta **MENTERI KEWANGAN** menyatakan :-  
  
(a) kemajuan semasa dalam penstrukturan semula 1MDB dan berapakah aset dan hutang semasa selepas penstrukturan semula 1MDB; dan  
  
(b) sama ada 1MDB akan masih beroperasi pada tahun 2020.
45. PR-1343-L76684  
**Tuan Lim Guan Eng [ Bagan ]** minta **MENTERI KEWANGAN** menyatakan nilai kutipan GST sejak 1 April 2015 daripada sektor awam seperti kerajaan negeri dan pihak berkuasa tempatan. Berikan pecahan mengikut negeri dan anggaran kutipan bagi tahun 2016 dan 2017. Mengapakah kutipan GST tidak dikongsikan bersama atau dikembalikan kepada negeri masing-masing sepertimana yang dilakukan di negara maju seperti Australia.

46. PR-1343-L77264  
**Datuk Wilson Ugak Kumbong [ Hulu Rajang ]** minta **MENTERI KESIHATAN** menyatakan apakah status dan usaha yang sedang dijalankan bagi pembinaan Klinik Kesihatan Long Busang yang telah diumumkan sejak tahun lepas.
47. PR-1343-L76698  
**Puan Rubiah binti Haji Wang [ Kota Samarahan ]** minta **MENTERI PENDIDIKAN** menyatakan impak dan maklum balas masyarakat terhadap pelaksanaan sistem sekolah tingkatan enam sebagai sokongan modal insan yang berkualiti.
48. PR-1343-L75779  
**Dato' Sri Abdul Manan bin Ismail [ Paya Besar ]** minta **MENTERI DALAM NEGERI** menyatakan ancaman DAESH di negara ini dan rantau ASEAN serta berapa jumlah tangkapan terkini membabitkan aktiviti pengganas DAESH.
49. PR-1343-L76023  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI DALAM NEGERI** menyatakan memandangkan Jalan Kalabakan/Sapulut terbuka luas untuk digunakan oleh sesiapa sahaja, adakah pihak Kerajaan mempunyai perancangan mengadakan kawalan polis dan imigresen di sempadan pedalaman untuk memastikan keselamatan orang awam terjamin dan supaya orang yang tidak bertanggungjawab terkawal dengan lebih efektif.
50. PR-1343-L75926  
**Datuk Seri Panglima Haji Abdul Ghapur bin Haji Salleh [ Kalabakan ]** minta **PERDANA MENTERI** menyatakan dalam pembentukan Persekutuan Malaysia (Federation Of Malaysia) pada tahun 1963:-
- (a) apakah benar bahawa Sabah (North Borneo pada masa itu) telah dijemput untuk membentuk negara Malaysia bersama-sama dengan Sarawak, Singapura dan Persekutuan Tanah Melayu, sebagai satu negara berdaulat bukan sebagai antara negeri-negeri dalam Persekutuan Tanah Melayu; dan
  - (b) jika demikian, apakah ini bermakna semenjak penubuhannya pada tahun 1963, Malaysia telah terbentuk atas gabungan 3 negara masing-masing Persekutuan Tanah Melayu, Sabah dan Sarawak (dahulu 4 negara sebelum Singapura keluar) dan bukan gabungan 14 negeri.
51. PR-1343-L76564  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI WILAYAH PERSEKUTUAN** menyatakan rasional memperuntukkan RM650 juta bagi projek Taman Tugu yang bertujuan untuk menjana semula kawasan hutan hujan di Kuala Lumpur dan membangunkan taman di tengah bandar raya sedangkan kos penanaman pokok dan landskap hanya memerlukan 5% daripada nilai tersebut.



52. PR-1343-L76247  
**Tuan Idris bin Haji Ahmad [ Bukit Gantang ]** minta **MENTERI DALAM NEGERI** menyatakan kenapa polis tidak menyiasat laporan Naib Ketua Pemuda Umno Malaysia, Khairul Azwan Harun terhadap bekas Peguam Negara Tan Sri Abdul Gani Patail, bekas Ketua Suruhanjaya Pencegah Rasuah Malaysia (SPRM) Tan Sri Abu Kassim Mohamed dan bekas Gebenor Bank Negara, Tan Sri Zeti Akhtar Aziz terlibat dalam konspirasi untuk menggulingkan Perdana Menteri Datuk Seri Najib Tun Razak.
53. PR-1343-L76106  
**Dato' Haji Ahmad Nazlan bin Idris [ Jerantut ]** minta **MENTERI SAINS, TEKNOLOGI DAN INOVASI** menyatakan bahawa tahun 2016 adalah Tahun Pengkomersilan Produk Berinovasi. Sehingga suku ketiga tahun ini berapakah produk yang telah dikomersialkan dan apakah usaha yang dilakukan Kementerian dalam mempromosikan usaha tersebut.

**ATURAN URUSAN MESYUARAT DAN USUL-USUL**

1. (D.R. 17/2016) **Rang Undang-undang Perbekalan 2017 – Menyambung semula perbahasan atas masalah, “ Bahawa Rang Undang-Undang ini dibacakan kali yang kedua sekarang, “ ( 3 November, 2016 )**

**DAN**

**Usul dibuat oleh YAB Menteri Kewangan dan masalah dicadangkan :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh lapan bilion ringgit (RM48,000,000,000) dibelanjakan daripada Kumpulan Wang Pembangunan bagi tahun 2017, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2017, yang dibentangkan sebagai Kertas Perintah 25 Tahun 2016, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

**Menyambung semula Perbahasan atas masalah (3 November, 2016)**

2. **Menteri di Jabatan Perdana Menteri** akan mencadangkan:-

**“BAHAWA** pada Selasa, 25 Oktober 2016 semasa sesi Kamar Khas, Yang Berhormat Lim Lip Eng, Ahli Parlimen Kawasan Segambut dengan biadapnya telah mempersoalkan kuasa Yang di-Pertua Dewan Rakyat yang boleh dikenakan ke atas beliau kerana enggan mengikut arahan Tuan Yang di-Pertua.

**BAHAWA** Yang Berhormat Segambut juga telah menghina Yang di-Pertua Dewan Rakyat dengan kenyataan *“You are a disgrace to Parliament.... we are elected and you are appointed”*. Kenyataan Yang Berhormat Segambut telah menghina Yang di-Pertua Dewan Rakyat dan Majlis Mesyuarat Dewan Rakyat yang telah memilih beliau sebagai Yang di-Pertua Dewan Rakyat berdasarkan Perkara 57 Fasal 1 Perlembagaan Persekutuan.

**BAHAWA** Yang Berhormat Segambut sebelum itu telah mengeluarkan satu kenyataan pada 23 Oktober 2016 yang mempertikaikan dan memperlekehkan keputusan Yang di-Pertua Dewan Rakyat berhubung dengan pertanyaan - pertanyaan serta usul yang berkaitan tindakan sivil *in rem* oleh Department of Justice mengenai isu *sub judice*.

**BAHAWA** Yang Berhormat Segambut juga telah mengeluarkan satu kenyataan semasa sidang media di lobi Parlimen pada Khamis, 7 April 2016 yang menyatakan bahawa Yang di-Pertua Dewan Rakyat gagal dalam usaha-usaha penambahbaikan Parlimen yang sedang dilaksanakan oleh Yang di-Pertua Dewan Rakyat dan meminta agar Yang di-Pertua Dewan Rakyat meletakkan jawatan.

**DAN BAHAWA** perbuatan dan kenyataan–kenyataan yang dibuat oleh Yang Berhormat Segambut itu adalah merupakan satu penghinaan kepada Tuan Yang di-Pertua Dewan Rakyat yang menjalankan tugas sebagai Pengerusi Dewan ini dan demikian bererti penghinaan juga kepada Dewan Rakyat yang turut mencemarkan nama baik dan prestij Dewan Rakyat.

**MAKA INILAH DIPERSETUJUI BAHAWA** Yang Berhormat Lim Lip Eng, Ahli Parlimen Kawasan Segambut hendaklah digantung daripada perkhidmatan Majlis Mesyuarat selama enam (6) bulan dari tarikh keputusan usul ini diluluskan.”

- |    |               |   |                               |
|----|---------------|---|-------------------------------|
| 3. | (D.R.18/2016) | Rang Undang-Undang Kewangan 2016  | <b>Bacaan Kali Yang Kedua</b> |
|    |               | <b>[ Menteri Kewangan ]</b>   |                               |
| 4. | (D.R.13/2016) | Rang Undang-Undang Mahkamah (Kaedah-Kaedah Pemulaan Tindakan Sivil) 2016                        | “                             |
|    |               | <b>[ Menteri di Jabatan Perdana Menteri ]</b>   |                               |
| 5. | (D.R.16/2016) | Rang Undang-Undang Pentadbiran Undang-undang Islam (Wilayah-Wilayah Persekutuan) (Pindaan) 2016 | “                             |
|    |               | <b>[ Menteri di Jabatan Perdana Menteri ]</b>   |                               |
| 6. | (D.R.15/2016) | Rang Undang-Undang Pendaftaran Kelahiran dan Kematian (Pindaan) 2016                            | “                             |
|    |               | <b>[ Menteri Dalam Negeri ]</b>   |                               |

7. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan sebahagian pinjaman yang diberikan oleh Kerajaan Malaysia sebanyak RM500 juta kepada Small Medium Enterprise Development Bank Malaysia Berhad (SME Bank), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Lima Ratus Juta (500,000,000) unit saham biasa pada RM1 bagi satu unit saham”.

8. **Menteri Dalam Negeri** akan mencadangkan:-

“Bahawa Majlis ini membuat suatu ketetapan menurut sub-seksyen 4(11), Akta Kesalahan Keselamatan (Langkah-langkah Khas) 2012 supaya sub-seksyen 4(5), Akta ini hendaklah terus berkuatkuasa bagi tempoh 5 tahun lagi mulai dari 31 Julai 2017”.

9. **Dato' Seri Abdul Hadi bin Awang [ Marang ]** akan mencadangkan:-

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

i. menggantikan Seksyen 2 dengan seksyen berikut:

“**2.** Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Undang-Undang Persekutuan.”; dan

ii. memasukkan selepas seksyen 2 dengan seksyen berikut:

“**2A.** Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, selain dari hukuman mati.”

**[ Menteri di Jabatan Perdana Menteri ]**

10. PR-1343-U75583

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kesan pemanasan global telah mencapai satu tahap yang amat serius di mana disebabkan peningkatan paras air laut, terdapat banyak sawah-sawah padi tidak lagi dapat ditanam dengan tanaman padi disebabkan sawah-sawah padi ini telah dicemari dengan air masin. Dan mengambil maklum juga bahawa kesan daripada fenomena ini, para petani terutama sekali mereka yang menanam padi di sawah-sawah padi yang berkedudukan tanah rendah atau pesisir pantai kehilangan punca pendapatan dan sekaligus kualiti hidup mereka turut terjejas. Dan mengambil maklum juga bahawa, sebagai langkah mitigasi bagi memulihkan ekonomi para petani ini, Kerajaan hendaklah membantu mereka dengan memperkenalkan tanaman bernilai komersial lain, yang sesuai ditanam di sawah yang dimasuki air masin tersebut seperti penanaman kelapa pandan dan sebagainya. Dan mengambil maklum juga bahawa penyediaan dan pengorekan perparitan untuk meninggikan paras tanah yang dimaksudkan di atas, di kawasan yang terlibat akan membolehkan kawasan yang terlibat tidak ditenggelami air masin. Maka, bagi menangani masalah ini, Dewan ini hendaklah mengambil ketetapan bahawa, di samping menangani isu pemanasan global secara serius, Kerajaan juga harus segera membantu para petani (atau pesawah padi) dalam mengusahakan semula sawah-sawah padi mereka yang terjejas oleh fenomena ini, dengan memperkenalkan tanaman bernilai komersial yang baru di tanah tersebut."

**[ Menteri Pertanian dan Industri Asas Tani ]**

11. PR-1343-U75584

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa dengan purata hujan tahunan negara kini telah meningkat sering kita dengar tentang keadaan banjir kilat yang telah banyak menyebabkan kemusnahan harta benda, ameniti sosial, kerosakan alam sekitar dan lain-lain yang menjangkau jutaan ringgit nilainya. Dan mengambil maklum juga bahawa keadaan banjir ini ditambah burukkan lagi di mana banyak kolam dan paya ditimbus bagi pembangunan hartanah dan sebagainya. Ini menyebabkan sungai-sungai dan terusan tidak lagi dapat menampung jumlah air yang mengalir secara mendadak. Dan mengambil maklum juga bahawa, sebagai langkah mitigasi, kolam-kolam air yang luas boleh diwujudkan dalam sesuatu kawasan bagi menampung air hujan lebat yang turun sebelum ianya mengalir ke sungai-sungai dan terusan, sekali gus dapat mengurangkan kejadian banjir kilat. Dan mengambil maklum juga bahawa, takungan air di kolam-kolam tadi boleh juga dirawat dan disalurkan ke empangan bekalan air yang mana boleh digunakan sebagai air terawat oleh para pengguna. Dan mengambil maklum juga bahawa air daripada takungan kolam itu juga boleh disalurkan kepada industri-industri yang memerlukannya di samping digunakan untuk menyiram tanaman atau taman-taman."

Maka, bagi menangani masalah banjir kilat ini, dewan yang mulia ini hendaklah mengambil ketetapan bahawa Kerajaan hendaklah mensyaratkan bahawa sebelum sesuatu zon itu dibangunkan, satu kawasan kolam takungan air hendaklah disediakan bagi maksud di atas."

**[ Menteri Sumber Asli dan Alam Sekitar ]**

12. PR-1343-U75585

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, ramai graduan serta lulusan sekolah menengah tidak berpeluang untuk mendapatkan kerja dan kebanyakan mereka ini akhirnya hanya berlegar di kampung masing-masing dan tidak berpendapatan. Dan mengambil maklum juga bahawa, masih banyak peluang-peluang perniagaan yang boleh diusahakan di kampung-kampung sekiranya mereka yang berminat mendapat latihan, bimbingan dan bantuan kewangan yang secukupnya. Dan mengambil maklum juga bahawa pihak Kerajaan telah beberapa kali mengutarakan program pembangunan desa seperti program satu kampung satu industri, namun belum ada lagi program seumpamanya yang benar-benar berjaya. Dan mengambil maklum juga bahawa kebanyakan bekalan bahan mentah bagi penghasilan produk makanan, herba, tenusu dan lain-lain lagi boleh didapati di kampung-kampung dengan mudah. Dan mengambil maklum juga bahawa, melalui program "cottage industry" bukan sahaja penduduk kampung yang terlibat dalam program ini akan mendapat manfaat, malah negara secara keseluruhannya akan mendapat manfaat daripada aliran aktiviti ekonomi yang dijana. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan merumus satu mekanisme yang lebih efektif bagi menggalakkan penglibatan penduduk kampung dalam aktiviti "cottage industry" yang mana akan dapat membawa manfaat kepada 15-20 orang daripada setiap kampung."

**[ Menteri Kemajuan Luar Bandar dan Wilayah ]**

13. PR-1343-U75586

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kos sara hidup keluarga telah meningkat dengan mendadak dan ini dapat dirasakan begitu hebat sekali oleh mereka daripada golongan berpendapatan rendah. Dan mengambil maklum juga bahawa teknologi solar yang terdapat pada hari ini dapat membekalkan tenaga elektrik dengan murah dan mesra alam. Dan mengambil maklum juga bahawa kadar penurunan hujan di negara ini agak tinggi dan boleh membekalkan bekalan air mentah yang cukup sekiranya ditadah dan disimpan dengan baik.

Maka, bagi meringankan kos sara hidup keluarga terutama sekali mereka yang dari golongan berpendapatan rendah, Dewan yang mulia ini hendaklah mengambil ketetapan bahawa, semua pembinaan PPRT yang baru hendaklah dilengkapi dengan sistem tenaga solar dan tangki tadahan air bagi membolehkan pemilik rumah tersebut menurunkan sedikit kos sara hidup keluarga mereka."

**[ Menteri Kesejahteraan Bandar, Perumahan dan Kerajaan Tempatan ]**

14. PR-1343-U75587

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat desas-desus bahawa pencarum Kumpulan Wang Simpanan Pekerja (KWSP) yang masih menabung dalam KWSP, yang telah mencapai umur 75 tahun, yang dikatakan mencecah jumlah 260,000 orang, tidak lagi dibayar dividen ke atas simpanan mereka di dalam KWSP, seperti yang disiarkan oleh akhbar The Sun Daily. Dan mengambil maklum juga bahawa, kekeliruan ini adalah disebabkan oleh polisi KWSP yang dikeluarkan pada tahun 2008, melalui Akta KWSP 1991 yang menerangkan bahawa simpanan para pencarum yang telah mencapai umur 75 tidak akan dibayar dividen. Dan mengambil maklum juga bahawa para pesara yang masih menyimpan akaun dengan pihak KWSP masih memerlukan sumber pendapatan yang terurus dengan kadar pulangan yang baik dan KWSP dikatakan memberikan kadar pulangan yang baik serta terjamin selamat. Maka, bagi menangani masalah ini dan membela nasib para pendeposit KWSP yang dimaksudkan, Dewan yang mulia ini hendaklah mengambil ketetapan bahawa Kerajaan hendaklah segera meminda Akta 1991 dan membatalkan polisi KWSP 2008 bagi memastikan agar para pencarum atau penabung KWSP menerima dividen selagi mereka masih mempunyai akaun yang aktif dengan KWSP."

**[ Menteri Kewangan ]**

15. PR-1343-U75588

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kos barangan dan kos sara hidup di negeri Sabah adalah antara yang tertinggi di negara ini dan polisi kabotaj, dikatakan sebagai antara penyebab utama keadaan ini berlaku. Dan mengambil maklum juga bahawa, akibat polisi kabotaj ini, kapal-kapal dagang dari luar negara tidak dibenar memunggah dan mengangkut barangan dari mana-mana pelabuhan di Malaysia kecuali di Pelabuhan Klang. Ini menyebabkan barangan tersebut terpaksa di angkut semula dengan kos tambahan ke pelabuhan-pelabuhan di negeri Sabah dan Sarawak. Dan mengambil maklum juga bahawa disebabkan polisi kabotaj ini, kadar caj penghantaran antara pelabuhan ditetapkan oleh pihak perkapalan dengan kawalan terhad oleh pihak Kerajaan. Misalnya, caj penghantaran kontena 20 kaki dari pelabuhan Klang ke pelabuhan Kota Kinabalu ialah RM2,436, ke pelabuhan Sandakan RM3,235 dan ke pelabuhan Tawau RM3,336.

Ternyata caj ini adalah terlalu tinggi jika dikira dari segi jarak batu nautika antara pelabuhan berbanding dengan caj penghantaran di pelabuhan-pelabuhan lain. Maka, bagi menangani masalah ini serta mengimbangi harga barangan dan kos sara hidup di negeri Sabah, Dewan yang mulia ini hendaklah mengambil ketetapan bahawa Kerajaan hendaklah segera membatalkan polisi kabotaj ini bagi meringankan beban rakyat Sabah dan Sarawak khasnya."

**[ Menteri Kewangan ]**

16. PR-1343-U75589

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa banjir warga asing ke negara ini telah membawa budaya yang kurang baik di negara ini di mana mereka dengan sewenang-wenangnya membuang sampah merata-rata dan ini dapat kita lihat di kota-kota besar pada hujung minggu di mana mereka ini keluar beriadah. Dan mengambil maklum juga bahawa, sejak akhir-akhir ini, penduduk tempatan juga telah mula dijangkiti dengan sikap kutu sampah yang dimaksudkan di atas, di mana penduduk tempatan juga mula membuang sampah merata-rata. Dan mengambil maklum juga bahawa penularan pelbagai jenis penyakit bawaan vektor, tikus, lipas dan lalat, pembuangan sampah merata-rata telah menambah-burukkan lagi ancaman kesihatan di negara ini. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah memindah undang-undang bagi menghukum kutu-kutu sampah dengan hukuman lebih berat lagi disamping menggalakkan lebih banyak usaha untuk kitar semula dijalankan."

**[ Menteri Kesejahteraan Bandar, Perumahan dan Kerajaan Tempatan ]**

17. PR-1343-U76223

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1 MDB (1 Malaysia Development Bhd) dibentang dan dikemukakan untuk perbincangan di Dewan Rakyat dengan kadar segera."

**[ Perdana Menteri ]**

18. PR-1343-U76225

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan supaya YAB Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember."

**[ Perdana Menteri ]**



19. PR-1343-U76226

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan supaya mengesyorkan kepada DYMM Seri Paduka Baginda Yang Di Pertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera."

**[ Perdana Menteri ]**

20. PR-1343-U76228

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu dimana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera."

**[ Perdana Menteri ]**

21. PR-1343-U77356

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum, Parlimen sepatutnya mengambil maklum kes penembakan Lucas a/l Asirvatham dari Ipoh semasa bekerja di kebunnya di Chemor Perak pada 11 Ogos 2016 oleh seorang bekas pegawai kanan polis. Kes penembakan tersebut perlu disiasat secara ketat dan efektif melalui penubuhan sebuah badan jawatankuasa yang bebas dan integriti serta laporannya diumumkan kepada orang ramai (made public)."

**[ Menteri Dalam Negeri ]**

22. PR-1343-U75910

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan langkah-langkah untuk mencegah penganas di Malaysia."

**[ Menteri Dalam Negeri ]**

23. PR-1343-U75911

**Dr. Tan Seng Giaw [ Kepong ]** akan mencadangkan:-

"Bahawa Dewan ini memperbincangkan dasar penyelenggaraan semua jenis pengangkutan di negara".

**[ Menteri Pengangkutan ]**

24. PR-1343-U75794

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan mempergiatkan usaha untuk meyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 59 tahun lalu supaya mereka boleh hidup dengan aman dan saling memerlukan dan memahami antara satu sama lain bagi memudahkan mereka membangunkan ekonomi negara secara bersama dan merealisasikan impian Malaysia."

**[ Perdana Menteri ]**

25. PR-1343-U75795

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urustadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

**[ Menteri Kesejahteraan Bandar, Perumahan dan Kerajaan Tempatan ]**

26. PR-1343-U75707

**Tuan Loke Siew Fook [ Seremban ]** akan mencadangkan:-

"Bahawa Dewan ini merakamkan sekalung tahniah dan setinggi-tinggi penghargaan kepada wira dan wirawati negara yang telah mengharumkan nama negara di Sukan Paralimpik dan Olimpik 2016 di Rio De Janerio. Kejayaan Mohamad Ridzuan Mohamad Puzi acara 100 meter, Muhammad Ziyad Zolkefli acara lontar peluru dan Abdul Latif Romly acara lompat jauh merangkul tiga pingat emas pertama untuk Malaysia dalam Sukan Paralimpik serta dua rekod dunia yang dicapai oleh mereka adalah satu kejayaan yang luar biasa dan sangat dibanggakan. Atlet wanita Siti Noor Radiah Ismail yang memenangi pingat gangsa dalam acara lompat jauh di Sukan Paralimpik juga merupakan satu pencapaian yang membanggakan. Dewan ini juga merakamkan ucapan setinggi-tinggi tahniah terhadap atlet-atlet negara yang memenangi 4 pingat perak dan 1 pingat gangsa di Sukan Olimpik Rio 2016 iaitu pemenang pingat perak dalam acara badminton perseorangan lelaki Dato Lee Chong Wei, badminton beregu lelaki Goh V Shem-Tan Wee Kiong, badminton beregu campuran Chan Peng Soon-Goh Chan Ying dan pemenang pingat perak dalam acara terjun Pandelesa Rinong-Chan Jun Heong serta pemenang pingat gangsa acara berbasikal keirin Azizulhasni Awang. Atlet-atlet tersebut telah mencapai keputusan yang terbaik untuk kontijen Malaysia dalam sejarah penyertaan negara dalam Sukan Olimpik dan kejayaan tersebut harus dibanggakan oleh seluruh rakyat Malaysia."

**[ Menteri Belia dan Sukan ]**

27. PR-1343-U77348

**Tuan Liew Chin Tong [ Kluang ]** akan mencadangkan:-

"Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2016, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM5.9 bilion dan RM14 bilion yang membawa kepada jumlah keseluruhan RM20 bilion."

**[ Menteri Kewangan ]**

28. PR-1343-U77349

**Tuan Liew Chin Tong [ Kluang ]** akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara."

**[ Perdana Menteri ]**

29. PR-1343-U77437

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Dalam Negeri ]**

30. PR-1343-U77438

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

**[ Menteri Dalam Negeri ]**

31. PR-1343-U77439

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

**[ Menteri Pendidikan ]**

32. **Tuan Gobind Singh Deo [ Puchong ]** akan mencadangkan:-

Pada 17.10.2016, Tuan Yang Di-Pertua telahpun membuat keputusan di dalam Dewan Rakyat seperti berikut:

Jadi masa tidak lagi mengizinkan. Jadi sesi pertanyaan-pertanyaan bagi jawapan lisan berakhir dan sebelum saya memanggil Setiausaha untuk beredar ke urusan mesyuarat yang lain, ada satu perkara mustahak yang ingin saya umumkan iaitu Ahli-ahli Yang Berhormat **saya mendapati beberapa soalan dalam pertanyaan jawapan lisan dan bertulis serta usul yang telah dikemukakan bagi Mesyuarat Ketiga Penggal Keempat Parlimen Ketiga Belas kali ini berkaitan dengan satu isu yang menjadi kegemaran ahli-ahli Yang Berhormat iaitu isu tindakan sivil in rem oleh Jabatan Keadilan Amerikat Syarikat atau singkat DOJ.**

Jadi untuk mengelakkan lagi satu pertuduhan seperti di sesi yang lalu iaitu di mana soalan yang perlu dijawab secara lisan oleh kerana tidak ada masa untuk dijawab pada ketika itu, maka Menteri menjawab mengatakan bahawa tidak payalah dijawab secara bertulis oleh kerana itu adalah *sub judice*.

Jadi dalam hal ini, dalam sesi ini juga ada perkara-perkara yang sedemikian. Jadi saya tidak mahu lagi timbul satu persepsi di mana Menteri akan dituduh bahawa dia *assumed the role of Speaker*. **Jadi untuk itu setelah meneliti isi kandungan pertanyaan-pertanyaan tersebut, saya mendapati bahawa ia adalah perkara yang masih dalam timbangan mahkamah ataupun sub judice. Oleh itu Menteri yang berkenaan tidak perlu jawab kepada perkara-perkara tersebut.**

Manakala kepada Ahli-ahli Yang Berhormat yang sedemikian untuk memuaskan hati mereka saya akan sampaikan setiap Ahli Yang Berhormat keputusan saya secara bertulis. Terima kasih. Sila.

Dengan hormatnya, saya usulkan supaya keputusan Tuan Yang Di-Pertua tersebut dikaji semula menurut Peraturan 43 Peraturan Majlis Mesyuarat di atas alasan-alasan berikut:

- (i) Peraturan yang menghalang pertanyaan oleh kerana sub judice tidak terpakai kepada kes-kes di luar Malaysia.
- (ii) Oleh yang demikian, tindakan *civil in rem* oleh Jabatan Keadilan Amerika Syarikat tidak boleh menjadi asas untuk penolakan soalan ataupun seseorang Menteri dikecualikan daripada menjawab soalan tersebut atas alasan perkara itu sub judis.
- (iii) Perkara ini dibincangkan dalam "Buku Erskine May's Treaties on The Law, Privileges, Proceeding's and Usage of Parliament 24th Edition 2011" di mana 365 dimukasurat disebut seperti berikut:

#### **Matters sub judice**

By a resolution of the House, cases in which proceedings are active in United Kingdom courts shall not be referred to in any motion, debate or question (see pp 396, 441-443); though the House has further resolved to give Chair some discretion to allow reference to be made to matters awaiting or under jurisdiction in all civil courts in certain specified circumstances, **provided that there is no real and substantial danger of prejudice to the proceedings.** The 'sub judice rule' as it is called, also applied to matters before a coroner's court or a Fatal Accident Inquiry. If the subject-matter of the question is found to be, or become, sub judice of the questions has been given, the Member is asked to withdraw it, or the Speaker may direct it to be removed from the notice paper or refuse to allow it to be asked if it is on the Order Paper.

**The rule does not apply to matters which are sub judice in courts of law outside Great Britain and Northern Island, nor to matters which are the subject of administrative inquiry.**

- (iv) jadi dengan segala hormatnya, jelas bahawa keputusan Tuan Speaker yang berasaskan kepada alasan sub judice adalah bertentangan dengan praktis yang diamalkan berkenaan isu itu dan oleh yang sedemikian boleh dan perlu dikaji semula.
2. Seterusnya dengan merujuk kembali lagi kepada petikan di dalam buku Erskine May di atas adalah jelas bahawa **sekiranya pun prosiding tersebut di dalam negara ini**, Tuan Speaker dalam memutuskan isu sama ada ataupun tidak perkara ini dihalang kerana sub judice perlu menilai sama ada wujud ataupun tidak "*real and substantial danger of prejudice*" kepada prosiding tersebut.
- (i) Dengan segala hormatnya untuk menimbang dan seterusnya membuat keputusan berkenaan perkara itu, saya berpendapat bahawa Tuan Speaker perlu:

- (a) memberikan Ahli-ahli Parlimen peluang untuk didengar sebelum membuat sebarang keputusan berkenaannya.
  - (b) menyakinkan diri dengan rujukan penuh kepada prosiding Mahkamah tersebut dan seterusnya menimbangkan kesan soalan-soalan yang ditanya kepada prosiding tersebut sebelum membuat keputusan tersebut.
- 2 (ii) Di dalam hal ini, saya memohon supaya Tuan Speaker menjelaskan sama ada ataupun tidak Tuan Speaker ada salinan dan sudah menimbangkan dengan mendalam semua kertas-kertas kuasa dalam prosiding DOJ tersebut (iaitu tuntutan dan jawapan-jawapan kepadanya sekiranya ada) untuk menyakinkan diri Tuan Speaker berkenaan fakta-fakta serta isu-isu yang berbangkit dalam perkara itu untuk membuat keputusan bahawa soalan-soalan itu adalah dihalang oleh perkara *sub judice*.
- 3 (i) seterusnya saya dengan segala hormatnya memohon rujuk kepada Peraturan 36(1) dan 23(1)(g) Peraturan Mesyuarat Dewan Rakyat di mana cukup jelas bahawa perkara yang perlu diputuskan adalah:
- 23(1)(g) A question shall not be so drafted as to be likely to prejudice a case under trial, or be asked to any matter **which is sub judice**; dan
- 36(2) Reference shall not be made to any matter which is sub judice in such a way might in the opinion of chair ***prejudice the interests of parties thereto***”
- 3 (ii) Dengan segala hormatnya, menurut Peraturan tersebut Tuan Speaker perlu untuk menentusahkan “parties” kepada tindakan ini dan kepentingan mereka sebelum keputusan berkenaan prejudis yang mungkin timbul seakibat soalan yang diajukan itu.

Tuan Speaker,

Negara kami dilanda krisis dan segi wujudnya satu perkara yang melibatkan wang yang sangat besar yang kini menjadi topik perbincangan hangat bukan sahaja di Malaysia tetapi di seluruh dunia.

Perkara ini telahpun menyebabkan tindakan yang tegas diambil oleh negara-negara seperti Singapura, United Kingdom dan Amerika Syarikat manakala di negara kita tiada sebarang tindakan berkesan diambil terhadap mana-mana pihak sama sekali sehingga sekarang.

Perkara ini telahpun menyebabkan banyak soalan ditanya oleh rakyat Malaysia khususnya berkenaan corak pentadbiran Kerajaan kami dan pengendalian siasatan perkara ini oleh jabatan-jabatan seperti Jabatan Peguam Negara, PDRM dan SPRM.

Isu ini sudah semestinya menjadi satu isu berkepentingan awam dan amat sangat perlu dibahaskan di dalam Dewan Rakyat.

Keputusan Tuan Speaker dengan segala hormatnya mempunyai kesan menghalang perkara ini daripada dibahaskan secara transparan dan juga memprejudiskan kesemua pihak dengan amat sangat oleh kerana mereka kehilangan peluang untuk menyoal dan menjelaskan semua keraguan yang timbul di dalam Dewan Rakyat yang mulia ini untuk pengetahuan rakyat Malaysia secara keseluruhannya.

Saya juga merayu kepada Tuan Speaker supaya melihat kepada “precedent” yang akan dicapai melalui keputusan ini di mana daripada sekarang, mudah sekali untuk sesiapa menghalang sesuatu perkara itu dibangkitkan di Dewan Rakyat iaitu dengan memfailkan atau merujuk kepada prosiding di luar negara untuk tujuan itu.

Ini kepada saya bukan niat ataupun matlamat yang ingin dicapai oleh Peraturan Mesyuarat yang digubal untuk “enhance” dan bukannya “restrict” dengan izin, perbahasan perkara-perkara penting untuk negara kita di dalam Dewan Rakyat yang mulia ini.

Maka saya selaku Ahli Parlimen Puchong merayu supaya usul saya dibenarkan dibahas dan keputusan Tuan Speaker itu, dikaji semula dan diketepikan dengan serta merta.

**[ Perdana Menteri ]**

**RISALAT-RISALAT YANG DIBAWA KE DALAM MESYUARAT**  
**(DEWAN RAKYAT)**

<b><u>TAHUN</u></b> <b><u>2016</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
DR.11	Laporan Jawatankuasa Kira-Kira Wang Negara. - Pengurusan Pengendalian Acara.	7 November 2016



**\*\*UCAPAN-UCAPAN**  
**( PERATURAN MESYUARAT 17 BAHARU )**  
**( KAMAR KHAS )**

<b>Tarikh Ucapan</b>	<b>Ahli Yang Berucap</b>	<b>Tajuk Ucapan</b>	<b>Menteri Yang Bertanggungjawab</b>
1. 07.11.2016 (Isnin)	1. YB Tuan Liew Chin Tong (Kluang)	1. Krisis Air Di Johor.	1. YB Menteri Tenaga, Teknologi Hijau Dan Air
2. 07.11.2016 (Isnin)	2. YB Puan Teo Nie Ching (Kulai)	2. Isu Premis Perjudian Haram Di kawasan Parlimen Kulai.	2. YB Menteri Dalam Negeri

**\*\* Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**